

四修族谱俚言

邵东龙山巍然高耸为太祖抽支西行层峦叠嶂至雁鹅崎突起廉贞三峰为少祖降脉南行蜿蜒十数里至严塘天门开张地户关锁颇称形胜明洪武初我元善公官宝庆教授通形家言遂卜宅于斯历二十余世丁口已逾盈数散居别村别县者不下数十处衣冠文物代不乏人其先五世原籍江南淮安后官江西泰和县尹谱首注载明晰无赘夫家乘之修有可考者勿容遗漏无可稽者不必妄为扳援韩后为何说非无稽而以为何氏受姓之始则谬湖南通志逸民转载虞舜南巡至零陵何侯家侯年百余岁一家三百余口皆力耕作舜慰劳赐予之是上古时已有何姓我族乾隆乙巳谱咸丰戊午及光绪戊子谱均以元善公为始迁祖而不桃上追五世确有可凭他如汉晋唐宋元明醇儒显宦则遥遥华胄断不敢骨毛扳附以免崇韬拜粉阳之讥也今五洋六洲海陆交通世界际维新之运人材适振起之时我何氏老成硕望者甚众其人学界军界政界者藉藉有声于敦宗睦族之道倘不急急讲求何以为佳子弟哉于是合族磋商欣然有四修之举起工于甲寅冬初蒇事于丙辰秋季谱式垂丝

仿欧列表法柳本拟首尾一致因族中经济困难前五世公任之六世以下分任之无一人专责遂致疏密不齐究之式原一样亦无妨碍族君子必不以此而存叁差之见也是谱之作石棐子舟棣齐提倡只因今春兵燹扰攘人心惶慄夫及成书复商族老谓此事断不宜缓众慙之六月初吉入局督谱司装订完好赞廷月潭董其事棣齐輿焉機亦滥竿其间因不揣鄙劣略书数语以志颠末奚敢侈言序哉

十七世嗣孙崇機茗生氏谨识

五修重录

六修又录